

摩訶般若波羅密多心經
觀自在菩薩行深般若波羅密多時
照見五蘊皆空度一切苦厄舍利子
色不異空空不異色色即是空空即
是色受想行識亦復如是舍利子是
諸法空相不生不滅不垢不淨不增
不減是故空中無色無受想行識無
眼耳鼻舌身意無色声香味触法無
眼界乃至無意識界無無明亦無無
明尽乃至無老死亦無老死尽無苦
集滅道無智亦無得以無所得故菩
提薩垂依般若波羅密多故心無罣
礙無罣礙故無有恐怖遠離一切顛
倒夢想究竟涅槃三世諸仏依般若
波羅密多故得阿耨多羅三藐三菩
提故知般若波羅密多是大神咒是
大明咒是無上咒是無等等咒能除
一切苦真實不虛故說般若波羅密
多咒即說咒曰羯諦羯諦波羅羯諦
波羅僧羯諦菩薩娑婆河般若心經